



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 726. Usque Ad Annum 813

**Fleury, Claude**

**August. Vind. [u.a.], 1760**

**VD18 90117859**

§.18. Scholæ in Francia.

---

[urn:nbn:de:hbz:466:1-66091](https://nbn-resolving.org/urn:nbn:de:hbz:466:1-66091)

Sæcul. VIII.  
A. C. 800.

phetiæ & miraculorum eidem tribuitur. Ceterum in ejus Epistolis magnus Religionis zelus, tenerrimus in amicos affectus, & singularis, qua alterius censura scripta sua subjiciebat, modestia dispicitur.

§. XVIII.

*Scholæ in Francia.*

*Ep. 10.*

*Egin. vit.  
Car.*

Alcuinus Litterarum in Francia Restitutor, vel saltem præcipuum, quo Rex Carolus ad insigne Opus usus est, Instrumentum habetur. Dicit ad Regem scribens, nihil magis ambobus in votis fuisse, quam ut in Francia novæ Athenæ Christianæ exurgerent, & ex ejus Operibus apparet, quod ad revehenda ferme omnia studiorum genera operam dederit. Primo docuit in Regia, & ipse Rex honori sibi ducebat, Discipulum ejus esse, cumque ipsi scriberet, Magistrum & Præceptorem appellabat. Ab eo didicit Rhetoricam, Dialecticam, & inprimis Astronomiam, cui plurimum temporis & laboris impendit. Aliquæ extant litteræ, in quibus Alcuinus ad quæstiones Caroli de cursu Lunæ scilicet tantis respondet. Erat vero Carolus eloquens, facile, quæ volebat, enunciabat, & linguas peregrinas didicerat, pariter linguæ latinæ ac Teutonicæ, quæ ipsi patria erat, gnarus. Græcam satis capiebat,

piebat, quamvis non ita facile eloque-  
retur. Sæcul. VIII.  
A. C. 800.

Præter Regem Carolum Alcuinus in  
Palatio puellas regias Gisellam & Ri-  
ctrudem filias ipsius, Angilbertum po-  
stea Abbatem Centulensem, Riculfum  
deinde Archiepiscopum Moguntinum &  
quosdam alios inter Discipulos numera-  
vit. Post Alcuinum hanc Scholam in  
Palatio rexit quidam Scotus, seu potius  
Hibernus nomine Clemens. Claudius  
vero Hispanus Felicis Urgelitani Disci-  
pulus, & exinde Episcopus Taurinensis,  
Sacram Scripturam explicabat.

*v. ep. 93.*

*Ep. 9. Epig.  
199. v. Mab.  
præf. 1. in  
Sæc. 4. §. 3.  
Launoy de  
Scholis.*

Hæc schola etiam sub Regibus sequen-  
tibus stetit, cumque haberet Bibliotheca-  
m, verisimile est, Aquisgrani, ubi ut  
plurimum versabantur Reges, fixam quo-  
que libris sedem fuisse.

Nulli alteri palmam cedebat Schola  
Turonensis, in qua Alcuinus Sacram  
Scripturam, Grammaticam, Astrono-  
miam, ceterasque Scientias docebat.  
Multi eo Magistro claruerunt Discipuli,  
inter quos eminuerunt Rabanus, Archi-  
episcopus Moguntinus, Simeon Episco-  
pus Wormatiensis, Sigulfus Abbas Fer-  
rariensis, Almalarius cognomento Fortu-  
natus. Præter has Scholas aliæ in Mo-  
nasteriis florebant, & brevi videbimus,  
quantam sibi Schola Lugdunensis famam  
comparaverit.

*ep. 19.*

Theo-

Sæcul. VIII.

A.C. 800.

Theodulfus tunc temporis Episcopus Aurelianensis non ultimo loco inter Restauratores Litterarum ponendus in suo Capitulari de duplici genere Scholarum mentionem facit, de minoribus pro infantibus, quas habere quilibet Parochus in sua Parochia tenebatur, & de majoribus, ad instruendos Clericos in diversis locis, nempe in Ecclesia Cathedrali S. Crucis, & in multis Monasteriis, præsertim S. Aniani Aurelianensis, S. Benedicti ad Ligerim, & S. Lifardi Medunensis. Alia Monasteria, in quibus Scholæ præ ceteris florebant, erant Corbejenſe, Fontanellenſe, Prumiense, Fuldenſe, S. Gallense, S. Dionysii, & S. Germani Parisiis, S. Germani Antissiodori, Ferrariense, Anianense, & in Italia Montis-Casini. Superius meminimus Regem Carolum jam anno 789. præcepisse, ut in omnibus Episcopatibus & Monasteriis Scholæ instituerentur. Sæpe id ipsum novis mandatis inculcavit, & in Capitulari Theodonis Villæ anno 805. præter alia etiam studium Medicinæ nonnegligendum suadet.

*Cap. Aquisg.**c. 70.**Sup. Lib.**XLIV. §. 45**p. 421. to. I.**cap.*

## §. XIX.

*Alcuini Opera.**p. 1246.*

**E**x Alcuini Scriptis quis Litterarum Status illa ætate fuerit cognosci potest. Primo occurrit parvus Tractatus de